

## **ATUUTTUNNGORTINNEQARNERANUT UPPERNARSAAT**

Nunatsinni Inuit Innarluutillit Kattuffiata (NIIK), ulloq 9. november 2018, nal 17:15,  
Taseralimmi, Sisimiuniittumi, siulersuisut pilersitsillutik ataatsimiinnerannit imaqarniliaq

Peqataasut: ISI, Inooqat, Landsforeningen Autisme - Kalaallit Nunaanni immikkoortortaq  
aamma KTK

Peqataasinnaanatik nalunaartut: KNIPK

Alaatsinaattutut ataatsimeeqataasut: Inuit innarluutillit illersuisuat, Dansk-it innarluutilinnut  
kattuffii, Inuit pisinnaatitaaffiannut Institutti, Sugisaq, Nuummi Gigtertut Peqatigiiffiat,  
aammalu illoqarfinni immikkoortortani ukunani innarluutilinnut peqatigiiffiit; Maniitsoq,  
Sisimiut aamma Paamiut.

Anders Meilvang tikilluaqqusivoq, nassiussuunneqarsimasorlu una saqqummiullugu:

**ULLORMUT OQALUUSERISASSAT:**

1. Ullormut oqaluuserisassat akuersissutigineqarneri.
2. Ataatsimiinnermi aqutsisussamik aamma imaqarniliuisussamik toqqaaneq.
3. Nunatsinni Innarluutillit Kattuffiannik pilersitsinissamut siunnersuut kiisalu  
malittarisassanik saqqummiussineq aamma akuersissuteqarneq.  
*Malittarisassanut siunnersuut qallunaatut aamma kalaallisut  
nassiussuunneqarnikuuvoq.*
4. Siulittaasumik, siulittaasup tullianik aamma naatsorsuuserisumik toqqaaneq.
5. Taasariaqartut allat

Matuma kingorna immikkoortut ataasiakkaat oqaluuserineqarput

1-mut tunngatillugu. Ullormut oqaluuserisassatut siunnersuutigineqartoq  
allannguuteqartinneqarani akuersissutigineqarpoq.

2-mut tunngatillugu. Anders Meilvang ataatsimiinnermi aqutsisussatut aamma Anna Ida  
Jonsson imaqarniliuisussatut toqqaarneqarput.

3-mut tunngatillugu. Malittarisassatut siunnersuutit Anders Meilvang-imit  
saqqummiunneqarput, matumani pingaarnertut anguniagassatut siunniunneqarsimasunut  
immikkoortortat, erseqqissaatigineqarporlu, NIIK-ip sulinermini suliniutissatuarigaa,  
peqatigiiffiit kattuffimmut ilaasortaasa ataatsimoorlutik soqutigisaasa siuarsarneqarnissaat.

Aammattaaq erseqqissaatigineqarpoq, ataatsimeersuartoqartarniנגimmat, kisiannili  
siulersuisut qullersaasut, peqatigiiffiit kattuffimmut ilaasortaasut tamarmik,  
siulersuisuminnit imaluunniit siulersuisunut ilaasortamit allamit, siulersuisuni  
sinniisuutitaqarmata.

Malittarisassanut, katillugit sisamanik apeqquteqartoqarluniluunniit allannguutissatut,  
siunnersuuteqartoqarpoq:

1. Atissatut siunnersuutigineqarsimasup Nunatsinni Innarluutillit Kattuffiat uunga allangortinneqarnissaa isumaqatigiissutigineqarpoq Nunatsinni **Inuit** Innarluutillit Kattuffiat, matumani ersersinniarlugu **inuit** innarluutillit pineqarmata.
2. Landsforeningen Autisme Karsten Høy-i § 4, imm. 2-imi piunasaqaataasumut apeqquteqarpoq peqatigiiffiit kattuffimmu ilaasortaasut naatsorsuutaat kukkunersiuusumit akuersissutilimmit imaluunniit kukkunersiuusumit nalunaarsorneqarnikumit iluarsaanneqartassanersut. Anders Meilvang erseqqissaavoq, piunasaqaat tamanna pingaaruteqartuusoq, kisianni imm. 3 malillugu tamanna immikkut ittumik pisoqartillugu taamaatinneqarsinnaasoq.
3. Inooqat Benny Kokholm-i erseqqissaassuteqarpoq, ukiut marlukkaarlugit ataatsimeersuartartuullutik, tamannalu peqqutigalugu § 4, imm. 2-mut, ukiumut ataasiarlutik naatsorsuutinik kukkunersiorneqarsimasunik tunniussisoqartarnissaannut, piviusunngortitsisinnaanatik. Anders Meilvang paasissutissiivoq, tassani aamma § 4, imm. 3 malillugu, piunasaqaammik tamatumingga aamma immikkut ittumik akuersissuteqartoqarsinnaasoq.
4. Anders Meilvang-ip siunnersuutaa, illoqarfinni peqatigiiffinnik immikkoortortanik ilaasortanngortitsisoqarsinnaassasoq, isumaqatigineqarpoq, ilaasortaqaarfiit taakku, peqatigiiffinnut kattuffimmu ilaasortaasunit sinniisuutitaqartuni ilaasortaasimangippata. Tamanna aallavigalugu § 3, imm. 2-imik nutaamik ilanngussisoqassaaq.
5. Landsforeningen Autisme Karsten Høy-i apeqquteqarpoq peqatigiiffinnut kattuffimmu ilaasortaasunut aningaasatigut artukkiissutaasinnaasut suut pineqarnersut. Anders Meilvang ilisimatitsivoq, § 18, imm. 2 malillugu, siulersuisunit annertussusilerneqarsimasumik akiliuteqartoqartassasoq, soorlutaaq § 18, imm. 2 malillugu akiliummik annikilliliisinnaanermik imaluunniit immikkut pisariaqartitsinermik nalilersuineq aallaavigalugu akiliisitsinissaq pinngitsoortinneqarsinnaasoq. Akiliutigineqartartussap annertungaarnissaa ilimanaateqartinneqanngilaq, tassami ingerlatsinermut tapiissutissanik aningaasaateqarfinnut, Namminersorlutik Oqartussanut il.il., qinnuteqartoqartarniarmat.

Tamatuma kingorna NIIK-mik atuuttussanngortitsinissap qinersissutigineqarnissaa tikinneqarpoq.

ISI-p, KTK-p pisinnaatitsineq aallaavigalugu, Inooqat-p aamma Landsforeningen Autisme - Kalaallit Nunaanni immikkoortortap – atuuttussanngortitsineq qinersinermikkut toqqarpaat.

Tamatumani kattuffimmik atuuttussanngortitsineq ersaattaannersuakkut nersorniarneqarpoq.

Tallimaattut kingullertullu nuna tamakkerlugu innarluutilinnut kattuffiusup KNIPK-p allakkatigut nalunaarutigisimavaa, isumaqarlutik NIIK-mut ilaasortanngussagunik tamanna

ataatsimeersuarnikkut aalajangiunneqaqqaartariaqartoq, tullissaanillu  
ataatsimeersuarnissartik aatsaat ukioq 2020-imi pisussaasoq.

Anders Meilvang-ip paasissutissiissutigaa, NIIK-ip KNIPK-ip qanittumik suleqatiginissaa  
kissaatigisarigaa aammalu piaartumik ilanngunniarnissaat neriuutiginerarlugu.  
Aammattaaq NIIK-p illoqarfinni immikkoortortat, kattuffinnut allanut  
ilaasortaaffeqanngitsunik ilaasortanngortitsinnissaq kissaatigisarigaa, soorlu  
assersuutigalugu Sugisaaq aamma Nuummi Gigtertut Peqatigiiffiat.

4-mut tunngatillugu. Peqatigiiffiit kattuffimmut ilaasortaasut sisamaasut taakku tamatuma  
kingorna nalunaaruteqarput, § 8 malillugu, kikkut siulersuisunut ilaasortassatut  
toqqarsimaneritsik. Tamatuma kingorna siulersuisut tassaalerput:

Anders Meilvang, ISI  
Lisa Josefsen, KTK  
Benny Kokholm, Inooqat  
Pia Kielsen, Landsforeningen Autisme - Kalaallit Nunaanni immikkoortortaq


Matuma kingorna, § 9 malillugu, siulersuisut inissitsiterput Anders Meilvang  
siulittaasunngorluni aamma Pia Kielsen siulittaasumut tullersortinngorluni.

Siulersuisut Grønlands Revisionskontor A/S kukkunersiuisussatut toqqarpaat.


5-mut tunngatillugu. Dansk-it innarluutilinnut kattuffiini siulersuisooq Thorkild Olesen  
kattuffimmik suleqatigisassaminnik pilersitsisoqarluni atuuttussanngortitsisoqarnera  
pilluaqqussutigaa aammalu qanittumik suleqatigiinnissamik suleqatigiilluarnissamillu  
kissaateqarluni.

Sisimiut, ulloq 9. november 2018

**Inooqat - Kalaallit Nunaanni Angajoqqaat ineriartornermigut akornutilimmik  
meerallit peqatigiiffiat**

  
Siulittaasoq Benny Kokholm

**ISI - Kalaallit Nunaanni Tappiitsut isigiarsuttullu peqatigiiffiat**


  
Siulittaasoq: Akaaraq Samuel Olsen

**KTK - Kalaallit Nunaanni Tusilartut kattuffiat**

Anders Meilvang, uuminnga atsiorsinnaatinneqarluni:

Siulittaasoq Lisa Marie Josefsen


**Landsforeningen Autisme - Kalaallit Nunaanni immikkoortortaq**

  
\_\_\_\_\_  
Siulittaasoq Karsten Høy

**NIIK**

  
\_\_\_\_\_  
Siulittaasoq Anders Meilvang

**NIIK**

  
\_\_\_\_\_  
Siulittaasup tullia Pia Kielsen